

Radøy kommune

Saksframlegg

Saknr	Utval	Type	Dato
062/2019	Hovudutval for plan, landbruk og teknisk	PS	11.12.2019

Sakshandsamar	Arkivsaknr.:	Dokumentnr.:
Arthur Kleiveland	19/2377	19/17641

Meldingar og referatsaker

Saksopplysingar:

Det vert lagt fram følgjande meldingar og referatsaker.

Rådmannen sitt framlegg til vedtak:

Meldingar og referatsaker vert tekne til orientering

Hovudutval for plan, landbruk og teknisk - 062/2019

PLT - handsaming:

062/2019: Meldingar og referatsaker

Behandling:

Det vart i møtet lagt fram skriv frå Fylkesmannen i Vestland – der han stadfestar Radøy kommune sitt vedtak knytt til gbnr 68/11 – Askeland.

Kloakksak Instebø: Utvalet føretok ei synfaring på staden og gav honnør til administrasjonen for at denne vanskelege saka no er løyst, og at arbeidet som er utført kan føra til sanering av gamle avløp for fleire bustader i området. Vidare arbeid i området bør koma med i neste hovudplan for avløp i Alver.

Kommunalt vassverk: Leif Taule (SP) stilte spørsmål om kommunal vassframføring til Nøtlevågen. Kommunalsjef Lisbeth Alvær informerte om at det har vore sett på ulike løysingar. Ho sa at det vil vera krevjande å leggja vassleidning i samband med vegarbeidet som no er i gang på vegen til Nøtlevågen. Kommunalsjefen opplyste at utbygging av vassleidning vil bli lagt inn i det vidare arbeidet med hovudplan for vatn i Alver.

Kommunalsjefen svara også på kva som må til for å få kommunal vassframføring til Halland, og sa at det er nødvendig med større dimensjonar på det private leidningsnettet enn det som er der i dag. Leif Taule viste også til behovet for kommunal vassforsyning til Straume, med gardsdrift og utfordrande tørkesomrar, jf. søknaden om frå grunneigarane på Straume.

Nedsett fartsgrense: Kommunalsjef Lisbeth Alvær informerte om arbeidet med nedsett fartsgrensa

forbi Austmarka. Kommunen sender skriv til vegkontoret med det aller første. Ho peika på at også forlenging av 40-sone i Manger sentrum er prioritert oppgåve.

Kommunalsjefen svara også på spørsmål om trafikksikring langs veg ved Ystebøtræet. Leif Taule peika på at det framleis manglar sikringstiltak på brua på grunn av at støypekanten er borte, jf. revidert trafikksikringsplan.

Tilsyn: På spørsmål frå Leif Taule orienterte rådmannen om arbeidet som er gjort med oppfølging etter campingtilsynet 2012.

Haugland skule: På spørsmål om sal av Haugland skule er gjennomført, svara rådmannen at det er inngått kontrakt med kjøpar.

Møtet var det siste i Radøy kommune si historie.

Nestleiar i utvalet, Leif Taule, takka avslutningsvis Christel Villanger Håland for å ha leia utvalet på ein god måte i denne perioden. Christel Villanger Håland sa at det har vore ei ære å vera leiar for ein så solid og stabel flokk, og takka også for godt samarbeid med rådmannen og hans stab.

Hovudutvalet tok meldingar og referatsaker til orientering, med dei tillegg som vart sett fram i møtet

PLT - vedtak:

Meldingar og referatsaker vert tekne til orientering.